

AL PAEJE DE I RICORDI
(di G. Secco - G. Secco e M. Viel)

Al paeje de i ricordi
se te l varda a l presente
te lo vede distante
fa te n pugno strucà

e ghe vive na gente
che la é diferente
che l à n ché de distante
anca vista vejin.

Al paeje de i ricordi
stesi mur ogni casa
ma co po te li snajfa
no i é quei che te sa;

al paeje de i ricordi
l éa le case pi grande
e fontane che spande,
strade co i cogolà.

Al paeje de i ricordi,
poc asfalto e cemento;
ort che i era n portento
co l udor de ledan;

al paeje de i ricordi
no l éa porte inciavade
ma scagnèi te le intrade
pa sentarse a parlar.

A l paeje de i ricordi
i omi ndéa n ostarìa
e le fémene stéa
entro in cesa a pregar;

a l paeje de i ricordi
co rivéa la so festa
l éa beleze che basta
e la frasca de istà.

Al paeje dei ricordi
deventéa na balera
e la piazza de sera
se cambiéa de marcà;

a l paeje de ricordi,
al di drìo n aria straca
che savéa n cin da vaca,
de lavanda e sudà.

Al paeje de i ricordi
te lo cata davvero
se te va in zimitero
parché i é tuti là

che te i vede e i te sente,
che i te torna a la mente,
e i te mena distante
e i te ciapa par man...

Gianluigi Secco - testi per canzoni - CD 2009 - PROVE DI PAZZIA SENILE